

四庫全書

史部

欽定四庫全書

史部
文獻通考卷一百十八

詳校官編修_臣李堯棟

編修_臣程嘉謨覆勘

覆校官庶吉士_臣陳墉

校對官中書_臣高 中

謄錄舉人_臣沈以顯

欽定四庫全書

文獻通考卷一百一十七

鄱陽馬端臨貴與著

王禮考十二

乘輿車旗鹵簿

唐制凡天子之車曰玉輅者祭祀納后所乘也青質玉飾末金輅者饗射祀還飲至所乘也赤質金飾末象輅行道所乘也黃質象飾末草輅者臨兵巡狩所乘也白

質鞞以草木輅者菟田所乘也黑質漆之五輅者重輿
左青龍右白虎金鳳翅畫莖文鳥獸黃屋左纛金鳳一
鈴二在軾前鸞十二在衡龍輶前設障塵青蓋三層繡
飾上設博山方鏡下圓鏡樹羽輪金根朱班重牙左建
旂十有二旒畫升龍其長曳地青繡綢杠右載闌戟長
四尺廣三尺黻文旂首金龍銜錦結綬及縷帶垂鈴金
鏤方釳插翟尾五隻鏤錫鞶纓十二就旌旗蓋鞶纓皆
從輅質唯蓋裏皆用黃五輅皆有副耕根車者耕藉所

乘也青質三重蓋餘如玉輅安車者臨幸所乘也金飾
重輿曲壁紫油纁朱裏通幃朱絲絡網朱鞶纓朱覆髮
具絡駕赤駟副輅耕根車安車皆八鸞四望車者拜陵
臨弔所乘也制如安車青油纁朱裏通幃朱絲絡網又
有屬車十乘一曰指南車二曰記里鼓車三曰白鷺車
四曰鸞旗車五曰辟惡車六曰皮軒車七曰羊車與耕
根車四望車安車為十乘行幸陳於鹵簿則分前後大
朝會則分左右太宗貞觀元年十一月始加黃鉞車豹

尾車通為屬車十二乘以為儀仗之用大駕行幸則分前後施於鹵簿之內若大陳設行則分左右施於儀仗之中

高祖太宗大禮則乘輅高宗不喜乘輅每有大禮則乘輦至武太后以為常元宗以輦不中禮廢而不用開元十一年冬祀南郊乘輅而往禮畢騎還自是行幸郊祀皆騎於儀仗之內其五輅腰輿陳於鹵簿而已

唐制輦有七一曰大鳳輦二曰大芳輦三曰仙遊輦四

曰小輕輦五曰芳亭輦六曰大玉輦七曰小玉輦輿有三一曰五色輿二曰常平輿三曰腰輿大駕鹵簿先五輅以行

唐大駕鹵簿天子將出前二日大樂令設宮縣之樂於庭畫漏上五刻駕發前七刻擊一鼓為一嚴前五刻擊二鼓為再嚴侍中版奏請中嚴有司陳鹵簿前二刻擊三鼓為三嚴諸衛各督其隊與鉞戟以次入陳殿庭通事舍人引羣官立朝堂侍中中書令以下奉迎於西階

侍中負寶乘黃令進輅於太極殿西階南向千牛將軍
一人執長刀立輅前北向黃門侍郎一人立侍臣之前
贊者二人既外辦太僕卿攝衣而升正立執轡天子乘
輿以出降自西階曲直華蓋警蹕侍衛千牛將軍前執
轡天子升路太僕卿授綏侍中中書令以下夾侍黃門
侍郎前奏請法駕動警蹕鼓傳音黃門侍郎前奏請發
鑾駕動警蹕鼓傳音黃門侍郎與贊者夾引而出千牛
將軍夾路而趨駕出承天門侍郎乘馬奏駕少留敕侍

臣乘馬侍中前承制退稱制曰可黃門侍郎退稱侍臣
乘馬贊者承傳侍臣皆乘侍衛之官各督其屬左右翊
駕在黃麾內符寶郎奉六寶與殿中後部從在黃鉞內
侍中中書令以下夾侍輅前贊者在供奉官內侍臣乘
畢侍郎奏請車右升侍中前承制退稱制曰可侍郎復
位千牛將軍升侍郎奏請發導駕先萬年縣今次京兆
牧次太常卿次司徒次御史大夫次兵部尚書自縣令以下並
正道威儀各乘輅其次清遊隊白澤旗二分左右各一
人執二人引

二人

金吾折衝二人

各領四十騎戎服分左右

次金吾大將軍二人

分左右

各二人執褱稍騎從自龍騎以前檢校也

次金吾果毅二人

領虞候飲飛四

十八騎夾道單行分左右引導黃麾伏也

次外鐵甲飲飛二十四騎

並行分左右廂

各六重引導步兵隊

次朱雀旗一騎執

二騎引二騎夾

金吾折衝都尉一

人

領四十人執橫刀

次龍騎十二

各一騎執並戎服被大袍橫行正道每一

旗前二人騎為二重引前每旗後亦二人護後副竿二分

左右又金吾果毅二人騎領也次指南車

次記里鼓車次白鷺旗車十二旗次辟惡車次皮軒車

並駕四馬駕士各十四人匠一人

次引駕十二重

重二人並行正道騎帶橫刀自皮軒車後

均布至細仗前一重弓箭
相間金吾果毅一人檢校

次鼓吹令二人次柷鼓十二

面金鉦十二面次大鼓百二面次長鳴百二十具次鐃

鼓十二面歌簫笳各二十四次大橫吹百二十具節鼓

二面笛簫篳篥桃皮篳篥各二十四次柷鼓十二面

金鉦十二面次小鼓百二十面次中鳴百二十具次羽

葆鼓十二面歌簫笳各二十四

自前柷鼓以下工人皆自副並騎分左右橫行

每鼓皆二人夾每隊皆有主帥五人以上統領

次殿中侍御史二人次黃麾一

人執

二人騎夾

次太史令一人次相風輦

輦士八人

次柷鼓金鉦

各一司辰一人典事一人刻漏生四人分左右次行漏

輿正道

匠一人舉士四十人

次鈸戟前隊左右武衛果毅各一人

騎

分

次天色繡幡一次金節十二次罕畢各一

左右罕畢

次朱雀幄一次左青龍幢右白虎幢各一次導蓋一又

次稱長一次鈸戟

各百四十四人分左右也

次左右衛將軍各一次

御馬

二十四匹分左右也

次尚乘奉御

二人分左右

次左青龍旗右白

虎旗各一左右衛果毅各一人

各領三十五人騎分左右

次通事舍

人

八人騎分左右

次侍御史二人次御史中丞二人次御史二

人次拾遺二人次補闕二人

並騎左右

次起居郎一人

次起

居舍人一人

在右

次諫議大夫

二人在右

次給事二人

在左

次黃門

侍郎

二人在左

次中書侍郎

二人在右

次左散騎常侍

二人在左

次右

散騎

二人在右

次侍中

二人在左

中書令二人在右

自通事舍人以下一人皆

從次香鑾一次左右衛將軍

各一人分左右

次班劍儀刀

左右各

十二行人也

次左右衛郎將各一人

領散手翊衛三十人橫刀騎在副使仗稍衛內

也次左右驍衛郎將各一人

各領翊衛二十八人甲騎具裝執副仗稍在散手外

均布曲折至後門

次左右衛供奉中郎將四人

領親勳翊衛四十八人帶橫刀

騎分左右在
三衛仗內也

次玉輅

青質玉飾駕青駃六祭祀納后則乘之大僕卿駃駕士四十一人千

牛將軍一人陪乘

次左右衛大將軍

各一人

次千牛將軍一人

中郎將二人分左右次千牛脩身

分左右騎在玉輅後

次御馬二

匹次左右監門校尉各一人

在後門內檢校

次牙門

二人執

次

左右監門校尉各十二人騎

監當後門十二人

次左右驍

衛翊衛各三隊

每隊三十五人並帶稍弩箭橫刀相間前第一隊各大將軍領執鳳旗第二隊

各將軍一人領執飛黃旗第三隊各郎將一人領執吉利旗

次左右衛夾轂廂各六

隊一人果毅一人每隊各折衝

次大繖二

在牙門後

次孔雀扇各

四分左次腰輿一次小團扇四次方扇十二花蓋次大

輦

尚輦奉御二人殿中少監一人騎從

次諸司侍奉官二人

分左

次御

馬二十四匹

分左

次尚乘直長二人

分左

次大繖二孔

雀扇八夾繖次小扇十二次朱畫團扇十二次花蓋次

睥睨十二次元武幢一次絳麾二次細稍十二次後黃

麾一次殿中侍御史二人

騎分左

次大角百二十具

金吾果毅

一人領橫行十重也

次後部鼓吹羽葆鼓十二面工人十二歌簫

笳各工人二十四次鐃鼓十二面工人各十二歌簫笳

各工人二十四次小橫吹百二十具工人百二十笛簫

簞簞笳桃皮簞簞各工人二十四次芳輦主輦二百人也次小

輦一主輦六十人也次小輦一奉輦十人次尚輦直長二人分左右次

左右武衛五牛旗輦黃牛旗處內赤青在左各八人執白黑在右各八人執左右威

衛隊正各一人檢校次乘黃令一人丞二人騎分左右檢校玉輦等次金輦

赤質金飾駕赤駟六次象輦黃質以象飾駕黃駟六行道則供之次草輦

青質輦以草駕白駟六巡狩臨次五副輦各駕四馬駕兵事則乘之各駕士三十二人

人次耕根車青質蓋三重駕六馬耕籍則乘之駕士三十二人次安車金飾駕四馬臨

幸則次四望車金飾駕四馬拜陵臨弔則次羊車駕果

乘之次屬車十二駕牛駕士各八人次門下中書省祕書

二小吏十四人省殿中等局官各一人並騎分次黃鉞車駕二馬駕士十二人次

豹尾車駕二馬駕士十二人次左右威衛折衝都尉各一人領掩

百人各執大戟刀盾弓箭及次左右領軍將軍各一人

弩各五十人為一行並橫行各二人執次前後左右廂步甲隊四十八隊前後各二

隊稍步從次左右廂黃麾仗廂各十二部各十二行並執

鑿鎧弓刀盾五色相次左右領軍黃麾仗首尾廂各

弓刀戟盾及孔雀斿毛左右領軍黃麾仗五色繡幡

二十口十口引後

廂各獨揭鼓十二重

重二人在黃麾仗外

次左右

衛將軍各一人驍衛武衛威衛領軍衛各大將軍一人

檢校黃麾仗

次及仗左右廂各十八人

廂別二百五十人執義及二百五十人執義

每及一義一相間

次諸衛馬隊

左右廂各二十四隊從十二旗隊別主帥以下四十人每隊皆

折衝果毅一人檢校前第一隊辟邪旗第二隊應龍旗第三隊玉馬旗第四隊三角獸旗第五隊黃龍負圖旗

第六隊黃鹿旗第七隊飛麟旗第八隊馭騏驎旗第九隊鸞旗第十隊鳳旗第十一隊飛黃旗第十二隊麟旗第

十三隊角端旗第十四隊赤熊旗次後第十五隊兕旗第十六隊太平旗第十七隊犀牛旗第十八隊鷄鵠旗

第十九隊驍驍旗第二十隊騶牙旗第二十一隊蒼鳥旗第二十二隊白狼旗第二十三隊龍馬旗第二十四

隊金
牛旗

次元武隊

元武旗一人執
二人引二人夾

金吾折衝一人

領五十
騎分執

稍次元武隊前大戟隊後當正道執殳仗行內置牙門

一二人執
夾騎分左右

次牙門左右廂各開五門

門二人執
夾並騎分

左右第一門在左右威衛黑質步甲隊後白質步甲隊
前第二門在左右衛步甲隊後左右領軍黃麾仗前第
三門在左右武衛黃麾仗後左右驍衛黃麾仗前第四
門在左右領軍衛黃麾仗後左右衛步甲隊前第五門
在左右武衛白質步甲
隊後黑質步甲隊前
右自清遊隊以下諸衛將軍並

平巾幘紫襴襠大口袴錦騰蛇金隱起帶弓箭橫刀中
郎將折衝果毅皆平巾幘緋襴襠大口袴錦騰蛇銀梁

金隱起帶橫刀弓箭飲飛執旗人

引駕三行

並武弁緋襖

大口袴供奉並武弁朱衣

各一人步從

餘文武官及導駕官

並朱衣冠履依本品服其工人駕官並絳衣平巾幘餘

並戎服若法駕減大駕太常卿司徒兵部尚書及白鷺

車辟惡車大輦五副輅安車四望車屬車減四其清遊

隊持鈿隊元武隊皆四分減一諸隊鼓吹皆三分減一

餘同大駕縣令以後御史大夫以前威儀亦三分減一

若小駕又減法駕御史大夫及指南車記里鼓車鸞旗

車皮軒車象輅草輅木輅耕根車羊車黃鉞車豹尾車
屬車小輦小輿諸隊仗及鼓吹各減大駕之半餘同法
駕縣令州牧威儀亦減大駕之半其新製首文旗雲旗
刀旗肆神幢長壽幢及左右千牛將軍衣瑞牛文左右
衛瑞馬文左右驍衛大蟲文左右武衛瑞鷹文左右威
衛豹文左右領軍白澤文左右金吾辟邪文左右監門
獅子文並繡為袍文將軍中郎將皆同並冬正大會通
服之

宋太祖皇帝建隆四年將郊祀大禮使范質與鹵簿使張昭儀仗使劉溫叟同詳定大駕鹵簿之制禮儀使陶穀建議金吾及諸衛將軍導駕及押仗舊服紫衣請依開元禮各服本色繡袍舊執仗軍士悉衣五色畫衣隨人數給之有無準式請以五行相生之色為次黑衣先之青衣次之赤黃白又次之又大駕五輅各有副車近代寢廢請依令文增造又按明宗舊圖導駕三引而儀仗法物人數多周太極鹵簿六引而人數少請準令文

用六引其鹵簿各依本品以給從之舊清遊隊有甲騎
具裝亡其制度穀以其所記造之又作太輦皆率意定
其制規穀又取天文大角攝提旗及北斗旗二十八宿
旗十二辰旗龍墀十三旗五方神旗五方鳳旗四瀆旗
時有貢黃鸚鵡白兔及馴象自來又作金鸚鵡玉兔馴
象旗太祖又詔別造大黃龍負圖旗一大神旗六日旗
一月旗一君王萬歲旗一天下太平旗一獅子旗二金
鸞旗一金鳳旗一五龍旗五凡二十一旗皆有架南郊

用之大黃龍負圖旗陳於明德門前餘悉立於宿頓宮
前遇朝會冊禮亦皆陳於殿庭凡馬步儀仗悉用禁軍
大將軍將軍以軍主都虞候攝事中郎將都尉以指揮
使副指揮使攝事校尉主帥以軍使副兵馬使都頭副
都頭十將攝事

乾德三年蜀平命右拾遺孫逢吉收偽法物之不中度
者悉毀之始令改畫衣為繡衣至開寶三年而成謂之
繡衣鹵簿其後郊祀皆用之軍衛羽儀自是寔盛其後

今有司以絹畫為圖凡三幅中幅車輅六引及導駕官
外兩幅儀衛其警場青城又別為圖圖成以藏祕閣凡
仗內自行事官排列職掌并捧日奉宸散手天武外步
騎一萬九千一百九十八人此盛極也

玉輅之制箱上置平盤黃屋四柱皆油漆刻鏤左青龍
右白虎龜文金鳳翅雜花龍鳳金塗銀裝間以玉飾頂
輪三層外銀耀葉輪衣小帶絡帶並青羅繡雲龍周綴
縵帶羅文珮銀穗毬小鈴平盤上布黃褥四角鈎闌設

圓鑑翟羽虛櫃內貼銀鏤香罨軾匱銀龍二銜香囊銀
香爐香寶錦帶下有障塵青畫輪轅銀轂垂葉三轅銀
龍頭橫木上有銀鳳十二左建青旂十有二旒皆繡升
龍右戴關戟繡散文並青繡綢杠又設青繡門簾銀飾
梯一托义二推竿一銀踏頭銀裝行馬青繒裏索駕六
青馬馬有金面插鵬羽擊纓攀胷鈴拂青繡屣錦結尾
又設馬二在輅前飾同駕馬餘輅及副
輅皆有之駕士六十四人
太僕所藏玉輅自唐顯慶中傳之至宋號顯慶輅親

郊則乘之其制度精巧其行止安重後載太常與闕戟分左右以均輕重世之良工莫能為之者

沈氏筆談曰大駕玉輅唐高宗時造至今進御自唐至祖宗時凡三至泰山登封其他巡幸莫記其數至今完壯乘之安若山嶽以楷杯水其上而不搖慶歷中常別造玉輅極天下良工為之乘之動搖不安竟廢不用元豐中復造一輅尤極工巧珠寶之飾既成以正旦大朝會宿陳於大慶殿庭車

人先以幕屋覆之將旦徹屋忽其上一木墜盡壓而碎人以為異自後只用唐輅其穩利堅久歷世不能窺其法世傳有神物護之若行諸輅之後則隱然有聲

紹興十二年命工部尚書莫將等製造玉輅以天禧宣和鹵簿及工匠省記制度參酌取文質適中之制玉輅青飾輅頂天輪三層塗以綠青羅為衣繡雲龍於上上層一重下層三重每層綴鍍金小鈴三層飾以玉耀葉

八十一

用青玉為之

以金鍍銀鏤龍文置於中兩旁有金花

挿天輪之周回形如蕉葉輪旁有鐵圓筒耀葉之下皆有二鐵簪入筒中繫以青帶圍以輪又青羅兩長幅表裏繡雲龍自輅頂交於四角分垂至輅臺下謂之絡帶或遇雨覆以黃絹油衣輅之中其頂中虛繡寶蓋闕以八頂飾以八金龍用香檀木為之御座居中純用香檀不飾他物取黃中正色也座之左右金龍首銜珠穗毬一中兩龍間一大火珠垂以金蓮花臺座之引手亦飾

金龍倚背及座皆以金銀絲織成紋錦曲几

憑以為用
軾者

香檀覆以錦褥御座後垂錦簾駕登輅則捲之有梯級以登飾以金綵雲龍每級皆覆以錦褥東偏小梯級執綏官由此先登以紅繩維其前立於東柱以脩顧問輅身四柱皆飾以金前兩柱各有大金龍纏於上傍有珠穗毬二輅臺中外皆設錦繡臺之外前有橫案謂之香檀設金鑪一金香合二立金鳳十二於前案外有金纏龍燭臺二以金覆蓮葉足案前裙板有四金龍間玉方

勝以明青表而出之前有牌篆書玉輅二字以玉為之
有結子繫金鳳之足旁有二金絲線結八垂牌垂之兩
傍中有玉連環結子正垂牌上玉環碾二龍輅之四面
周以欄而闕其中以脩登降每面於兩欄之角用玉蹲
龍一各有金圓照二分置左右玉羽臺一居中羽臺插
孔雀羽五枝以辟塵四面其數凡八圓照倍之圓照名
曰照焰插以鐵簪繫以繡帶如耀葉之飾輪衣下垂纓
帶間以玉珮

纓帶染犂牛尾
為之五色間焉

覆綴以鍍金鈸鈴每垂各

六與玉珮間設周圍數各十二輅下有蹲龍十六以金鍍銀為之在虛盤四圍之兩旁有托角雲龍四金彩為飾前後左右各二又有一字小欄飾以金伏於輅下有朱圓木橫陳於前在托角雲龍之內輅前有轅木固以筋膠飾以金碧昂首鱗體如龍之狀皆飾以金龍首之上有兩橫竿青絲繫之前曰鳳轅飾以青列立鳳十二六馬載以行次曰推轅綠色黑文衛士推之以助馬力其橫設轅後曰壓轅亦青飾衛士壓其後欲取其平左

右冒以金龍其輪三歲一易心用榆木束以鐵圈掩以金鍍銀輅下橫貫圓木為軸冒以金筒梗以金蹲龍簪夾兩輪輪文皆彩繪其輻飾以金花葉衛士左右各六十人以青絹裹大索鉤於軸首而手入軸旁金鐸引之而前各以青索置扇上外有副輪二以為脩輅後飾亦如之立鳳轅下六青馬四在轅內二在轅外又有六馬以脩番用馬首被銅面其額以畫獸銜以鐵牛草裏青絹表鍍金銅飾之其背屨表以綠錦裏以絹絹裏氈六

鈴七鉞置之兩旁其領下青纓曰綽顏覆以金鉞每馬

各一

未閱試兩月以青車肄習使馬習而不憚新輪既成載鐵車上自三千斤積至萬斤畢無蠅聲試可

乃輅之所止有行馬二飾以彩綠

淳熙十二年修玉輅及大輦四柱紹熙二

年修五輅易車軸

左建太常十二旂繡日月五星右龍旂職掌

駕士二百三十八人服平巾幘絹抹額羅繡對鳳袍皆

以青緋羅繡對鳳襖又羅抹帶絹袴襪麻鞋皆青色青

驄馬三十匹執綏官一員捧輪將軍四人呵唱二人前

後攔馬各九人踏道二十二人轅馬十二人誕馬十二

人抱轆墜轆各六人正副托叉各四人把棒四人小梯
二人香匙剪二人紅軸頭二人推杆四人刮輪四人龍
頭二人燭臺二人靜席二人左右索各六十一人職掌
五員教馬二人車子官健八人蓋覆儀鑾司五人千牛
衛上將軍二員抱龍旂太常六員進馬四員牧馬三十
人香鐙睥睨一香案三十人排列官一員

凡玉輅文尺
飾視承平所

用顯慶輅輅多不同
蓋出省記增減也

金輅色以赤駕六赤馬駕士六十四人象輅色以淺黃

駕六赭白馬駕士四十人草輅色以黃駕六騶馬駕士四十人木輅色以黑駕六黑騶馬駕士四十人自金輅而下其制皆同玉輅惟無玉飾副玉輅副金輅副象輅副草輅副木輅並駕六馬駕士四十人當用銀飾者皆以銅餘制如正輅元豐初禮文所言近制金輅不以金飾諸末象輅不以象飾諸末草輅不鞮木輅不漆請改飾四輅又古者五輅皆載旗謂之道德之車考工記車戟崇於及首矛崇於戟各四赤戟矛皆插車騎謂之兵

車戟國尚武故增栻四戟謂之闕戟則知德車武車固異用矣漢鹵簿前驅有鳳凰闕戟猶未施於五輅江左以來五輅乃加榮戟於車之右韜以黻繡之衣後周司輅左建旗右建闕戟闕戟方六尺而被之以繡皆戾於古請去五輅闕戟以應道德之稱而建太常於車後之中央升輅則由左又按周禮大馭掌馭玉輅以祀則祀乘玉輅也齊僕掌馭金輅齋充金輅之右則齋乘金輅也齋祀之車異用而不相因國朝親祠太廟致齋文德

殿畢翼日即進玉輅非是請進金輅俟太廟祀畢翼日御玉輅詣郊又言法駕之行必有共輿者蓋以承清問袁盎曰天子所與共六尺輿皆天下豪俊此漢用古制也周官有太僕齊僕道僕所以御車至駟其乘則其禮益重故道德之車則有齊右道右武車則有戎右皆以士大夫為之國朝之制乘輿有太僕而無駟乘請增近臣一員立車右其後詔增制五輅及駟乘玉輅建太常金輅建太旗象輅建太赤輅建太白木輅建太麾諸

輅之副各次正輅仍有闌戟馬

中興後金輅之制黃飾建大旆九旂繡升龍輅牌一金
鍍銀耀葉八十一輪衣一繡絡帶二頂雲龍纓帶十有
二玉珮十有二金絲結穗毬二金絲結綬一長轅金鍍
銀龍頭二上有金鍍銅立鳳十有二車枕上金鍍銅座
一金鍍銅套筒十金鍍銀鉸面四金鍍鑪一金鍍銀香
寶二并匙金鍍銀立羽臺八御座褥子一有黃絹帕三
箱周迴葉段正輪輻一副輪軸轆頭鉸面各二轂輻葉

各二百四十建竿二流蘇結二并鐸輦簾一并鉞遮環
踏道一并褥行馬二并輦頭小托叉二車箱行道褥一

馬飾十有二

馬面轡頭攀脅腹帶
包鬚尾錦履綽額

職掌駕士一百五十

六人服色以黃黃馬三十匹

十四輅下駕輅馬共一百二
十匹蓋覆儀鸞共六人

前後攔馬各五人踏道六人轅馬六人誕馬六人抱轅

墜轅各四人正托叉四人把棒四人推杠二人靜席二

人左右索各五十一人職掌呵唱二人教馬二人車子

官健二人

象草木三輅人數並同四輅無千牛衛上將
軍抱龍旂進馬官香燈睥睨排列官職掌等

象輅朱飾建大赤七旒繡鳥隼

儀物同金輅

職掌駕士一

百五十六人服色以赤騂馬三十匹

草輅銀褐飾建

太白六旒繡熊虎

儀物同上

職掌駕士一百五十六人服色

以銀褐白馬三十匹

木輅黑飾建大麾四旒繡龜蛇

儀物同上

職掌駕士一百五十六人服色以黑驪馬三十匹

大輅徽宗政和六年徐秉哲言南北郊皇帝乘玉輅以

赴齋宮自齋宮赴壇正當祀天地乃乘大輦疑非禮意

下禮制局討論於是議造大路如玉輅之制唯不飾以

玉樊纓一就以尚質又制大旂十有二旒龍章而設日月建於大路之上以象天大路大輿陳列於門輦逍遙平輦之前禮畢還宮則御大輦

耕根車漢制如副車有三盖一曰芝車置轡耒耜之簞

上親耕所乘

桓譚謂楊雄曰君之為黃門郎居殿中數見輿輦玉蚤華芝及鳳凰三盖之屬皆元

黃五色飾以金玉翠羽珠絡錦繡茵席者

晉因之駕駟天子親耕所乘置耒

耜於軾上一名三盖車宋因之隋以青為質三重盖羽葆雕裝同玉輅駕六馬其軾平以青囊盛耒耜而加之

籍田則乘之唐因隋其飾不易大駕行則脩馬宋制如五輅之副駕六青馬駕士四十人

進賢車古安車也周制致仕之老及后乘之漢制乘輿

金根安車立車

蔡邕曰五安五立徐廣曰立乘曰高車坐乘曰安車

是為德車五

時車安立亦皆如之各如方色馬亦如之建大旂十有

二旂駕六馬餘皆駕四皇太子皇子公列侯皆乘之自

漢以後亦為副車晉制因之天子所御則駕六餘並駕

四三公下至九卿各一乘公駕三特進駕二卿駕一宋

因之齊制諸王三公國公列侯等行禮則垂之隋制金飾紫通幟朱裏駕四馬臨幸及弔則供之唐制以金飾駕四馬臨幸則乘之大駕出在耕根車後宋乾德時改赤質兩碧紗窻擊耳虛櫃一轅緋幟衣絡帶門簾皆繡鳳紅絲網中設朱漆床香案紫綾案衣緋繒裏鞵索朱漆行馬

凡車皆有鞵索行馬

駕四馬駕士二十四人

明遠車古四望車齊制通幟油幢絡班漆輪轂亦曰皂輪以加貴臣隋制同犢車黃金飾青油幢朱裏紫通幟

紫絲網駕一牛拜陵臨弔則乘之唐制以金飾駕四馬拜陵臨弔則乘之大駕出在安車後宋初駕以牛後改仍駕四馬赤質制所屋重欄勾闌上有金龍四角重銅鐸上層四面垂簾下層周以花轆三板駕士四十人

羊車晉制一名輦上如輶伏兔箱漆畫輪武帝太始中羊琇乘司隸糾罪免官齊依之因制漆畫牽車小形如輿金塗縱容錦衣箱裏隱漆後戶牙蘭轆枕後捎幘竿代棟梁皆金塗鉸飾御及皇太子所乘之梁因制羊車

亦名輦上如輶小兒衣青布袴褶五辮髻數人引之貴
賤通得乘之名牽子也隋大業始置馬金寶飾紫幘朱
絲網童子二十人皆兩環髻服青衣年十四五者乘之
謂之羊車小吏駕果下馬其大如羊唐因之小吏十四
人宋亦為畫輪車駕以牛隨駕以果下馬以二小馬赤質兩
壁畫龜文金鳳翅緋幘衣絡帶門簾皆繡以瑞羊童子
十八人景祐中賈昌朝言大駕鹵簿有羊車前列案羊
車本漢晉時乘於後宮隋唐以來遂為法從國朝因循

未改竊以郊祭天地廟見祖宗車服所陳動必由禮至於四望耕根之屬兼包歷代豈容後宮所乘參陪五輅欲望大駕不用羊車所冀肅恭稽合典禮

指南車黃帝與蚩尤戰於涿鹿之野蚩尤作大霧將士

皆迷四方黃帝於是作指南車以示方故後常建焉

出雀

豹古

今注周致太平越裳氏重譯來獻使者迷其歸路周公

為司南之制使載之南周年至國故常為先導示服遠

人而正四方

車法具在尚方故事其制未詳

後漢張衡始復創造漢末

喪亂其制不存魏明帝青龍中令博士馬鈞紹而作焉
車上有木仙人舉手常指南車箱迴轉所指微差晉亂
復亡東晉義熙十三年劉裕平長安始得此車復修之
一名司南車駕駟其下制如樓三級四角金龍銜羽葆
刻木為仙人衣羽衣立車上車雖迴運而手恒指南大
駕出行為先啓之乘此車戎狄所制機數不精迴曲頻
驟猶須人力正之范陽人祖冲之有巧思常謂宜更造
宋順帝昇明中東齊高帝為相命冲之造焉車成使撫

軍將軍丹陽尹王僧虔等試之其制甚精百屈千迴未
嘗移變齊因宋制加飾四周箱上施屋指南人衣裙襦
天衣在箱中上四角皆施龍子干懸雜色真孔雀毼布
皂覆幔駕牛皆銅鈸飾梁復名司南車大駕出為先啓
之乘後魏太武帝使工人郭善明造之彌年不就扶風
人馬岳又造垂成善明斲殺之唐修之脩於大駕行則
先導宋一名司馬車赤質兩箱畫青龍白虎四面畫花
鳥重臺勾闌鏤拱四角垂香囊上有仙人車雖轉而手

恒指南一轆鳳首駕四馬駕士三十人天聖五年燕肅

復創意造之

其法用獨轆車箱外籠上有重構立木人用大小輪九合齒一百二十疋輪二高六

尺圍一丈八尺附足立子輪二徑二尺四寸圍七尺二寸齒各二十四齒間相去三寸轆端橫木下立小輪二

其徑三寸鐵軸貫之左小平輪一其徑一尺二寸齒十二中心大平輪一

二右小平輪一其徑一尺二寸齒十二中心大平輪一其徑四尺八寸圍一丈四尺四寸齒四十八齒間相去

三寸中立貫心軸一其高八尺徑二寸上刻木為人其車行木人南指若折而東推轆右旋附右足子輪順轉

十二齒擊右小平輪一匝觸中心大平輪左旋四分之一轉十二齒車東行木人交而南指若折而西推轆左

旋附左足子輪隨輪順轉十二齒擊左小平輪一匝觸中心大平輪右轉四分之一轉十二齒車正西行

木人交而南指若欲北行或東或西轉亦如之
徽宗

大觀元年内侍省吳德仁又獻指南車之制

其制身一文一尺一

寸五分闊九尺五寸深一丈九寸車輪直徑五尺七寸
車轆一丈五寸車箱上下為兩層中設屏風上安仙人
一執仗左右龜鶴各一童子四各執纓立四角上設關
掇卧輪一十三各徑一尺八寸五分圍五尺五寸五分
出齒三十二齒間相去一寸八分中心輪軸隨屏風貫
下下有輪一十三中至大平輪其輪徑三尺八寸圍一
丈一尺四寸出齒一百齒間相去一寸二分五釐通上
左右起落二小平輪各有鐵墜子一皆徑一尺一寸圍
三尺三寸出齒一十七齒間相去一寸九分又左右附
輪各一徑一尺五寸五分圍四尺六寸五分出齒二十
四齒間相去二寸一分左右疊輪各二下輪各徑二尺
一寸圍六尺三寸出齒三十二齒間相去二寸一分上
輪各徑一尺二寸圍三尺六寸出齒三十二齒間相去
一寸一分左右車脚上各立輪一徑二尺二寸圍六尺

六寸出齒三十二齒間相去一寸二分五釐左右後轆各小輪一無齒繫竹簾并索在左右軸遇右轉使右轆小輪觸落右輪若左轉使左轆小轆觸落左輪行仙童交而指南車成

記里鼓車東晉安帝義熙十三年劉裕滅後秦所獲未

詳其所由來制如指南車駕駟中有木人執槌向鼓行

一里則打一槌

崔豹古今注云亦名大章車所以識道里也車上為二層皆有木人執槌行一

里下一層擊鼓行十里上一層擊鐺尚方故事有其作法然亦未詳之

宋因之不易大駕

鹵簿次指南車後齊因宋制飾加華蓋子襟衣漆畫鼓

機皆在內也梁因齊制改駕以牛唐復修大駕鹵簿次

指南車後宋一名大章車赤質四面畫花鳥重臺勾闌
鏤拱行一里則上層木人擊鼓十里則次層木人擊鐃
一轅鳳首駕四馬駕士三十人天聖間內侍盧道隆上

記里鼓車之制

其制獨轅雙輪箱上為兩重各刻木為人執槌足輪各徑六尺圍丈八尺足輪

一周而行地三步以古法六尺為步三百步為里用較
今法五尺為步三百六十步為里立輪一附於左足徑
一尺三寸八分圍四尺一寸四分出齒十八齒間相去
二寸三分半平輪一其徑四尺一寸四分圍丈二尺四
寸二分出齒五十四齒間相去與附立輪同立貫心軸
一其上設銅旋風輪一出齒三齒間相去寸二分中立
平輪一其徑四尺圍丈二尺出齒百齒間相去與旋風
等次設小平輪一其徑三寸少半寸圍一尺出齒十齒

間相去一寸上平輪一其徑三尺少半尺圍一大出齒百齒間相去與小平輪同其中平輪轉一周車行一里一層木人擊鼓上平輪轉一周車行十里上一層木人擊鐺凡用大小輪八合二百八十五齒連相鈎鑠周而復始詔皆以其法下有司而製之

大觀元年内侍省吳德仁獻記里鼓

車之制

其法車箱上下為兩層上安木人二身各手執木槌輪軸共四內左壁車脚上立輪一安車箱

內徑二尺二寸五分圍六尺七寸五分二十齒齒間相去三寸三分五釐又平輪一徑四尺六寸五分圍一丈三尺九寸五分出齒六十齒間相去二寸四分上大平輪一通軸貫上徑二尺八寸圍一丈一尺出齒一百齒間相去一寸二分立軸一徑二寸二分圍六寸六分出齒三齒間相去二寸二分外大平輪軸上有鐵撥子二又木橫軸上闕撥子各一其於車脚轉一百遭通輪軸轉周木人各一擊鉦鼓

白鷺車隋制一名鼓吹車車上施層樓樓上有翔鸞樓
馬唐因之駕四馬大駕出在記里鼓車後宋制赤質周
施花板上有朱柱貫五輪相重輪衣以緋皂頂及緋絡
帶立繡飛鷺柱杪刻木為鷺銜鸞毛簫紅綬帶一轅駕
四馬駕士十八人宣和元年禮制局言舊鹵簿記有白
鷺鷺旗皮軒三重其制非古按曲禮曰前有水則載青
旌前有塵埃則載鳴鳶前有車騎則載飛鴻前有士師
則載虎皮前有鷩獸則載纚繡萬乘一出五車必載所

以警衆也青旌鳴鳶飛鴻隼繡乃以白鷺鷥旗雜陳其間未為合禮今欲改五車相次於中道繼之以崇德車

於是為脩

青旌車赤質曲壁中載青旗以絳帛為之畫青鳥於其上鳴鳶車赤質曲壁中載鳴鳶旌

以絳帛為之畫鳴鳶於其上飛鴻車赤質曲壁中載飛鴻旌以絳帛為之載飛鴻於其上虎皮車赤質曲壁中載虎皮旌絳帛為之緣以赤畫虎皮於上隼繡車赤質曲壁旌絳帛為之緣以赤畫隼繡於上其轅皆一

鸞旗車漢制為前驅編羽旄列繫幢旁

胡廣曰以銅作鸞鳥於車衡上

晉宋因之駕四馬先路所載唐脩於大駕鹵簿次白鷺車後宋制赤質曲壁一轅上載赤旗繡鸞鳥駕四馬駕

士十八人宣和中禮制局言三車非古制改五車

事見白鷺

下車

崇德車秦名為辟惡車上有桃弧葦矢以禳祓不祥太

僕令一人在車前執弓箭

出崔豹古今注

唐制駕四馬大駕出

在鸞旗車後宋制赤質周施花板四角刻辟惡獸中載

黃旗亦繡此獸太卜署令一人在車中執旗駕四馬駕

士十八人宣和初禮制局言記曰前巫而後史傳曰桃

弧棘矢以供禦王事請以巫易太卜弧矢易辟惡獸從

之

皮軒車漢前驅車以虎皮為軒取曲禮前有士師則載虎皮之義晉宋相因駕四馬皆大夫載自後無聞唐脩之大駕鹵簿次於辟惡車後宋制赤質曲壁上有柱貫五輪相重畫虎文駕四馬駕士十八人宣和初禮制局言三車非古制改五車

事見白鷺車下

黃鉞車漢制乘輿建之在大駕後晉黃鉞車駕一馬大駕行次於華蓋後御麾左右又有金鉞車金鉦車並駕

三馬唐脩於大駕鹵簿天寶初改為金鉞車宋制赤質曲壁中設金鉞錦囊綢杠左武衛隊正一人在車中執鉞駕兩馬駕士十五人

豹尾車周制象君子豹變又以尾者言謙也古者軍正

建之

崔豹古今注云

漢制大駕出屬車八十一乘法駕出屬車

三十六乘最後一乘豹尾以前比之省中

胡廣曰施於道路豹尾之

內為省中

晉因之在鹵簿末宋制徐廣按淮南子云軍正執

豹皮以正其衆禮記曰前有士師則載虎皮乘輿豹尾

以其義類唐制大駕出在黃鉞車後駕二馬右武衛隊正一人在車執之宋因之制同黃鉞車上載朱漆竿首綴豹尾右武衛隊正一人執之駕兩馬駕士十五人

屬車一曰貳車一曰左車秦制大駕屬車八十一乘法駕三十六乘漢法駕用三十一乘小駕用十二乘隋制大駕三十六法駕十二小駕不用唐大駕唯用十二乘宋因之其制黑質兩箱輿裝前有曲闌金銅飾上施紫通幘絡帶門簾皆繡雲鶴紫網幘鍔每乘駕三牛駕士

十人元豐初詳定禮文所言周戎右職曰會同充革車儀禮曰貳車畢乘禮記曰乘君之乘車不敢曠左右必式盖古者後車餘路必使人乘之不敢曠空所以別曠左之嫌也詩曰命彼後車謂之載之是也自秦兼九國車服西漢因之大駕屬車八十一乘後漢制云尚書御史所載揚雄云鷁夷國器託於屬車張衡曰屬車之簞載獫狁獠則是漢之屬車非獨載人又以載物亦儀禮所謂畢乘之也宋朝鹵簿車十二乘虛設於法駕之後

實近曠左之嫌請尚書御史乘之或以載乘輿服御從之

大輦歷代之制已見前宋制大輦赤質正方油畫金塗銀葉龍鳳裝其上四面行雲龍朶火珠方鑑銀絲囊網珠翠結條雲龍鈿窠霞子四角龍頭銜香囊頂輪施耀葉中有銀蓮華座龍紅綾裏碧牙壓帖內設圓鑑銀絲香囊銀飾勾闌臺座紅絲條網幘鍔中施黃褥置御座扶几香爐錦結綬几衣輪衣絡帶並緋繡壓金銀綫長

竿四銀裏鐵錫龍頭魚鈎錦膊褥銀裝畫梯托义黃羅
緣席褥帔梯杖褥朱索緋繒油帔主輦六十四人親祀
南郊謁太廟還及具鸞駕黃麾仗省方還都則乘之大
中祥符初東封舊輦太重遂命別造凡減去七百餘斤
後常用焉紹興十三年更製大安輦赤質正方油畫金
塗銀龍鳳裝朱漆大輪一金塗銀頂龍一四面施行龍
一十六火珠四方鑑銀絲囊網珠翠結絛雲龍鈿窠霞
子四角龍頭四真珠結穗毬一十二頂輪塗施金銀耀

葉銀盤紅羅輪衣一綴銀鈴紅羅絡帶二中設御座檀香雕木龍椅靠背上水晶珠梅紅絲裙網象牙滴子曲几錦褥綃畫裏外龍水屏風香爐結綬長竿四飾以金塗銀龍頭奉輦四百六十人

為五番每番九十二人

祀畢車駕還

內不用金輅則乘之

淳熙十二年新製踏道增其尺寸舊例五番四十人今添三十人及

副都大人員一人服五色武弁冠黃羅繡對鳳袍黃羅勒帛紫羅生色袒帶紫絹行膝

文德殿發

冊尚輦陳於西階下東嚮

隆興元年禮官請大輦權不陳設

芳亭輦黑質頂如幕屋緋羅衣裙襴絡帶皆繡雲鳳兩

面朱綠蔥花鈹外施紅絲網金銅帔鍔前後垂簾下設
牙牀勾闌長竿四銀龍頭銀飾梯行馬主輦一百二十
人

鳳輦赤質頂輪有二柱緋羅輪衣絡帶門簾皆繡雲鳳
頂有金鳳一兩壁刻畫龜文金鳳翅前有軾設香爐香
寶結帶下有勾闌二重長竿三銀飾梯行馬主輦八十
人法駕鹵簿不設

逍遙輦以椶櫚為屋赤質金裝朱漆竿版各一金螭頭

金裹魚鈎各四朱漆柄托又二金絲坐褥扶版踏牀褥
飾以紅花羅錦踏牀褥一襯褥十六金鍍銀裝行馬二
朱漆踏牀二促塵版輦屏風紅花羅錦金屏風護泥屏

各一

舊云道遙子後改名輦

高宗紹興七年重製詔務令樸素

乾道

九年以後殿門卑小道遙輦出入有礙令工部照輦院
丈尺重修殿門御輦院官舊制二千六百三十人紹興
十二年詔以一千人為額供御營三百人次供御營一
百五十人下都營六百五十人後減為九百人乾道六
年詔以七百人為額供御二百二十人
次供御一百三十人下都三百五十人

平頭輦制如道遙輦而無屋

真宗造登封輦今平頭輦制因此

金螭頭

四金裝朱漆扶版竿各二雲版座各一金裹魚鈎四褥
飾以紅花羅錦踏牀褥一檀香促塵版一護泥屏一舊
制輦官十二人服同道遥輦紹興十六年親耕服履袍
乘之隆興初詔制平輦及條衣褥郊祀禮畢用之

小輦赤質頂輪下施曲柄如蓋緋繡輪衣絡帶制如鳳
輦而小下有勾闌牙牀繡瀝水中設方牀緋羅衣錦褥
上有小案坐牀皆繡衣踏牀緋衣前後長竿二銀飾梯
行馬奉輿二十四人

七寶輦隆興二年正月詔御輦院令京師舊輦官省記
昨進道君皇帝七寶輦之制下有司製造更為美名以
進德壽宮禮官言七寶輦高五尺一寸廣二尺七寸深
三尺六寸竿長二丈一寸扶版二朱紅漆絲織紅百花
行龍藍瀝水升龍朱漆踏牀一紅百花團龍覆之百花
大團龍褥一紅羅銷金百花團龍座一朱漆踏牀一鍍
金銀火踏一純金裝釘行馬一對托叉一以朱漆之比
大輦制度內耀葉并角龍蓮盤頂龍並塗金真珠結穗

毬龍水屏風御座用香檀木龍椅靠背金焰水晶珠梅
紅絲裙網牙象滴今欲比大輦平輦用珠靠背龍頭引
手玉龍頭并玉轉身捧珠龍其角龍鐸等並純金詔如
其式內裙網用七寶裝綴太上皇帝曰儀衛已隨時增
益輿輦不須別造况多事之時國用方殷不宜虛費遂
止

自是上皇每至大內多乘馬間至
湖上則用肩輿蓋不欲煩民也

腰輿前後長竿各二金銅螭頭緋繡鳳裙欄上施錦褥
別設小牀緋繡花龍衣奉輿十六人

香燈唐制也朱漆案緋繡花龍衣上設金塗香爐燭臺
長竿二輿士八人金塗銀火鐐香匙副之

象漢鹵簿最在前晉平吳後南越獻馴象作大車駕之
以載黃門鼓吹數十人使越人騎之以試橋梁宋朝鹵
簿以象居先設木蓮花座金蕉盤紫羅繡檐絡腦當胸
後鞦並設銅鈴杏葉紅犂牛尾拂跋塵每象南越軍一
人跨其上四人引並花脚幞頭緋繡窄衣銀帶

五牛旗依方色皆小輿上刻木為牛背插旗錯采為牛

旗竿上有小盤衣及輿衣亦並繡牛形輿士各四人
相風烏輿上載長竿杪刻木為烏垂鵝毛簫紅綬帶下
承以盤周以緋裙繡烏形輿士四人

交龍鉦鼓輿各一皆刻木為二青龍相交下有木臺長
竿一挂畫鼓一挂金鉦上皆有緋蓋亦繡交龍輿士各
二人

鐘鼓樓各一本隋大駕鐘車鼓車也皆刻木為屋中置
鐘鼓下施木臺長竿如鉦鼓輿輿士各二十四人

行漏隋大業行漏車也制同鐘鼓樓而大設刻漏如桶
衡首垂銅鉢未有鉢象漆櫃貯水渴烏注水入鉢中長
竿四與士六十人

十二神輿赤質四門旁刻十二辰緋繡輪衣絡帶輿士
十二人

自鉦鼓以下舊禮令無文皆開寶定禮所增

旂常之制自漢以來制度殘缺唐禮五輅皆左建龍旂
右載闐戟謠諺滋甚元豐改定郊廟禮文五輅所載悉

如巾車之職又以闕戟非古政和間禮官請玉輅以太
常大旂建於左右而去闕戟厥後郊廟五輅及副車皆
建太常一日並出觀者駭焉至是造五輅悉倣周禮之
制玉輅後左太常繡日月星辰右龍旂繡交龍皆用青
羅表裏文繡下有網鬚謂之第頭用青飾建竿挿於輅
後兩柱傍金環之內竿首飾以鍍金螭頭垂以金鈸青
纓各六謂之旒繡竿以桐木剖竹外護固以筋膠布以
漆飾以青藻旗勢稍重六人各執乂托之以助旗力旗

皆錯采為之漆竿銳首纛頭錦腰火猷脚白澤攝提金
鸞獅子天下太平君王萬歲及在步甲前後隊後馬隊
三隊六軍儀仗內並以赤日月及合璧連珠五星二十
八宿祥雲並以青北斗以黑五嶽四瀆五方五神十二
辰五龍五鳳龍虎君並以方色天王以赤黃二色排攔
以黃紫赤三色大黃龍負圖旗舊畫八卦政和禮局改
畫為河圖九一三七二四六八五之數中興後增製華
旗各以瑞物續形其上

皂纛本後魏纛頭之制蓋旄頭之遺象制同旗無文采

去銳首六脚 爆稍擊聲也一云象爆牛善鬪唐金吾

將軍執之宋朝制如節有袋上加碧油常置朝堂車馬

鹵簿出則八枚前導

又衛司爆稍四

牙門旗古者天子出建

大牙宋朝制赤質錯采為神人象中道前後各一門左

右道五門門二旗蓋取周旌旗門及天子五門之制中

興後中道前後門旗各二左右道五門各四 繖古者

張帛以避雨今有方繖大繖皆赤質紫表朱裏四角銅

螭首

六引內制差小

紹興九年詔後殿射殿引呈公事日景已

高作衛清涼繖十從舊制也

蓋本黃帝時有雲氣為

花藹之象而作金花蓋導蓋皆赤質如繖而圓漚水繡

花龍又有曲蓋差小繡瑞草

睥睨漢乘輿所用如花

蓋而小

扇有朱團及雉尾四等朱團繡雲鳳黑漆柄

金銅飾雉尾皆方其上繡雉尾紹興十三年詔郊禮繖

扇並遵舊制拂扇等毋以珠為飾

金節隋制也黑漆

竿上施圓盤周綴紅絲拂八層黃繡龍袋籠之王公以

下皆有節制同金節韜以碧油 旱畢象畢昂為天階
故為前引皆赤質金銅飾朱藤結網金獸面旱方上有
二螭首銜紅絲拂罩圓如扇幢制如節而五層韜以袋
繡四神各隨其方色朱漆柄王公所給幢黑漆柄紫綾
袋 黃麾古有黃朱纁三色所以指麾也漢大駕有前
黃麾宋朝之制絳帛為之如幡錯采成黃麾字下繡交
龍朱漆竿金龍首上垂朱絲小蓋元豐中命禮官定朝
會儀請製大麾一注旒於竿首其旗十有二幅其色黃

一旒元會設仗建大黃麾於當御廂之前麾幡二於後
神宗疑其制鑿命且闕之而黃麾幡仍舊 幡本幟也
貌幡幡然有告止傳教信幡皆絳帛錯采為字上有朱
絲小蓋四角垂羅紋佩繫龍頭竿上錯采字下告止為
雙鳳傳教為雙白虎信幡為雙龍又有絳引幡制頗同
此作五色間暈無字兩角垂佩 御刀自晉宋以來有
之黑鞘金花銀飾靶靶紫絲條帔錯儀刀制同悉以銀
飾王公亦給之 班劍本漢朝服帶劔晉易以木謂之

象劍取裝飾斑斕之義鞘以黃質素紫班文金銅紫絲
條帨錯 戟有枝兵也木為刃赤質畫雲氣上垂交龍
掌五色帶末綴銅鈴鉞戟無掌而有小橫木又有小戟
與鉞戟同制 稍長矛也木刃黑質畫雲氣又有細稍
制同而差小 儀鯈劍戟之類秦漢有之唐用為儀仗
刻木如斧塗以青柄以黃上綴小錦幡五色帶 又叉
亦戟類又無刃而短黑飾兩末叉青飾兩末皆青中白
畫雲氣綴朱絲拂 斨本緝鳥毛為之今為四角小蓋

每角垂珠佩間以朱絲周綴五色帶繡雲龍孔雀白鵝

其別有三繫龍頭竿竿制如戟 攄弩漢京尹司隸前

驅持弓以射窺者今制每弩加箭二有數畫雲氣

仗內弩同

弓箭每弓加箭二有數同攄弩 刀盾刀容刀也盾

旁排也一人分持刀以木為之無鞘有環紫絲條帔錯

盾赤質畫異獸

又朱藤絡盾制急同惟綠藤綠質

皆持執之

甲騎具

裝甲人鎧也具裝馬鎧也甲以布為裏黃紕為表青綠

畫為甲文紅錦綠青紕為下裙絳韋為絡金銅缺長短

至膝長膺為人面二自背連膺纏以錦螭蛇具裝如常
馬甲加珂拂於前膺及後鞅 車輻棒也形如車輪輻
今制朱漆八稜 白柯搶稍也唐羽林所執同稍而鐵
刃上綴朱絲拂 柯舒黑漆棒也制同車輻以金銅釘
飾 鐙杖黑漆弩柄也以金銅為飾其末紫絲條繫之
七寶牀一覆以緋羅繡帕國初內臣馬上捧之謂之
駕頭 緋羅繡扇二緋羅繡曲盖一並內臣馬上執之
謂之扇篋駕頭在細仗前扇篋在乘輿後三駕及常出

並用之嘉祐六年以閣門祇候及內臣各二人分駕頭左右扇篋後編攔仍以皇城司親從官二十人隨之

鳴鞭周官條狼氏執鞭趨辟之遺制也鞭鞘用紅絲而漬以蠟行幸則前警祀畢還宮亦用之視朝宴會則用於殿庭紹興十三年親饗太廟命去神位百步之內毋得鳴鞭十五年正旦朝會帝出東閣御大慶殿殿上合鳴鞭以殿小非在京北乃免焉 毬仗塗金銀裹以供奉官騎執之分左右前導大禮用百人常行三十 褥

大禮舊儀御座金裹裝釘施珠坐褥是年八月上謂輔臣曰事天以誠為主器用陶匏貴其質也苟尚侈麗則失精裡之意矣乃詔有司製褥毋以珠為飾 駕馬鞍勒有金玉水晶金塗四等開裝鞛鞞結為座龍碾釵鏤塵沙面平面窪面方團寸節卷荷校具皆垂六鞘金裹銀鞍橋銜鐙朱黃絲條轡鞦緋黃織繡或素圈韉襍襍用金銀線織或緋黃純仁宗至道中以黃絹代之鞭用紫竹紅黃絲鞘纓以紅黃犂牛尾金為釵每日馬五匹

供奉鞍用玉及金塗銀襪襪用純絹行幸則十四匹加真金水晶之飾紹興十五年詔自今御後殿及駕出御馬權免入殿止例於殿門外射殿則仍舊制淳熙十四年詔引呈射事御馬依後殿儀立於殿門外

右五輅及諸車輿輦旂常鹵簿多歷代所用然有其說而不詳其制惟宋九朝及中興史志所載制造設飾之制頗詳然亦必承襲歷代相因之制而微有增損者也故具載於此至於逍遙子平頭輦

駕頭扇箴之屬雖歷代所無然宋三百年相承乘
輿出入所必用也故亦具載其制云

文獻通考卷一百十七

欽定四庫全書

文獻通考卷一百十八

鄒陽馬端臨貴與著

王禮考十三

乘輿車旗鹵簿

凡鹵簿有四曰大駕曰法駕曰鑾駕曰黃麾仗大駕郊
祀籍田薦獻王清昭應景靈宮用之

迎奉聖像亦曰大駕惟不設象及六

朝輦法駕減太常卿司徒兵部尚書白鷺宗德車大輦
駕官

五副輅進賢明遠車又減屬車四餘並三分減一泰山
下汾陰行禮用之鑾駕又減縣令州牧御史大夫指南
記里鸞旗皮軒車象輅革輅木輅耕根車羊車黃鉞豹
尾車屬車小車小輿餘並減半朝陵迎泰山天書東封
西祀朝謁太清宮奏告玉清昭應宮奉迎刻玉天書躬
謝太廟皆用之鑾駕舊用二千人大中祥符五年告太
廟增至七千人兵部黃麾仗用太常鼓吹太僕寺金玉
輅殿中省大輦其制無定然皆於小御樓車駕親征或

省方還京迎禁中天書五嶽上冊建安軍迎奉聖像六廟上冊皆用之

凡大駕總二萬六十一人大率以太僕寺主車輅殿
中省主輿輦繖扇御馬金吾主轟稍十六騎引駕細
仗牙門六軍主搶仗尚書兵部主六引諸隊大角五
牛旗門下省主寶案司天臺主螭漏太常主鼓吹朝
服法物庫出旗器名物衣冠幘蓋軍器庫出箠弩弓
矢內弓箭庫出戎裝雜仗

程氏演繁露曰宋景文筆記曰宣獻宋公著鹵簿
記至爆槩不能得其義予後十餘年始得之其說
曰江左有昬槩為其首大如昬是其義也按字書
昬小瓜也蒲卓反字或為昬同一音也予按爾雅
爆牛幫牛也此獸抵觸百獸無敢當者故金吾仗
刺爆牛於槩首以碧油囊籠之荆楚歲時記所說
亦與爾雅同今金吾仗以爆槩為第一隊則是爆
槩云者刺幫牛於槩首也他說皆非也

仁宗康定元年宋庠上言車駕行幸非郊廟大禮具陳
鹵簿外其常日導從惟前有駕頭後擁繖扇而已殊無
前典所載公卿奉引之盛其侍從及百官屬下至廝役
皆雜行其道中步輦之後但以親事官百餘人執撾以
殿謂之禁衛諸班勁騎頗與乘輿相遠而士庶觀者率
隨扈從之夾道馳走喧呼不禁所過有旗亭市樓垂簾
外蔽士民憑高下瞰莫為嚴憚邏司街使恬不呵止威
令弛闕玩習為常非所謂旌頭先驅清道後行之說也

且自黃帝以神功盛德猶假師兵為營衛則防微禦變古今一體按漢魏以降有大駕小駕至唐又分殿中諸衛黃麾等仗名數次序各有施設國朝承五姓荒殘之敝事從簡略每鳴鸞游豫盡去戈戟旌旗之制儀衛寡薄頗同藩鎮此皆制度放失憚於改作之咎謂宜委一二博學近臣討繹前代儀注及鹵簿令以乘輿常時出入之儀比之三駕仗酌取其中稍增儀物具嚴法禁上以示尊極下以防未然革去因循其在今日詔太常禮

院與兩制詳定遂合奏諸班直禁兵步騎為禁衛仍舊
數復增清道馬百佩弓矢為五重騎而執罕畢者一騎
而執牙門旗前後四騎而執緋繡鳳斃二十四雉扇十
有二皆分左右天武兵徒行者執柯舒親從兵增其數
為三百殿前指揮使增為二百並騎左右相對開二門
間容二丈以擬周禮之人門凡前牙門旗旗後為牙門
旗前為禁衛輒入者論以法禁乘高下瞰乘簾外蔽夾
道喧呼馳走者頗著於令其後寢弛

神宗熙寧以來天子銳意稽古禮文之事招延羣英折衷異同盡屏漢唐沿襲之陋與先儒訛舛之說元豐有詳定禮文所大觀有議禮局政和有禮制局元豐雖置局造輅然玉輅竟仍唐舊大觀中內侍吳德仁上指南車記里鼓車之制天子宗祀大禮用之始廢天聖中燕肅盧道隆所製政和修飾玉輅又增造大輅而車輅益盛

其制度各見車輅條下

政和大駕鹵簿象六分左右次六引開封令開封牧大

司樂少傅御史大夫兵部尚書

各用本部鹵簿

次金吾肅親左

右阜肅各六

執托各一人
紆四人

押衙四人

並騎

爆稍八

執各一人

本衛

上將軍將軍各四人本衛大將軍二人

並騎

爆稍四夾大

將軍

執各一人
夾二人並騎

法駕爆稍減二本衛上將軍各減二

人次朱雀旗隊

並騎

金吾衛折衝都尉一人引隊爆稍二

夾都尉

執旗一人
引夾各二人
凡仗內引夾執人數准此

弩四弓矢十六稍二

十左右金吾衛果毅都尉二人押隊法駕弩減二弓矢

減六稍減八宣和引隊改天武都指揮使押隊改天武

指揮使次龍旗隊大將軍一員檢校

騎

引旗十二人

並騎

風伯雨師雷公電母旗各一五星旗五左右攝提旗二

北斗旗一護旗十二人副竿二

執人並騎

法駕引旗護旗人

各減四宣和檢校改左右衛大將軍雷公電母旗去父

母二字次指南記里鼓車各一駕馬各四駕士各三十

人白鷺鸞旗崇德皮軒車各一駕士各十八人法駕無

白鷺崇德宣和有青雀青旌鳴鳶飛鴻虎皮貔貅六車

在記里鼓之下崇德之前減白鷺鸞旗皮軒三車駕士

之數如前次金吾引駕騎本衛果毅都尉二人儀刀弩

弓矢稍各八法駕儀刀弩弓矢稍各減二宣和都尉為

神勇騎指揮使次大晟府前部鼓吹令二人府史二人

管押指揮使一人柶鼓金鉦各十二帥兵官八人領大鼓一百

二十帥兵官二十人領長鳴一百二十帥兵官六人領饒鼓十二帥兵官四人領

歌工拱辰管簫笳各二十四大橫吹一百二十帥兵官十人領

節鼓二笛簫箏篳各二十四柶鼓金鉦各十二帥兵官四人領

小鼓中鳴各一百二十帥兵官八人領羽葆鼓十二帥兵官四人領

歌工拱辰管簫笳各二十四法駕前後柶鼓金鉦各減
四大鼓減四十長鳴減四十鐃鼓減四拱辰管後簫笳
各減八大橫吹減四十節鼓後笛簫觱篥笳桃皮觱篥
各減八小鼓中鳴各減四十羽葆鼓減四最後簫笳各
減八帥兵共減十八人次太史相風行漏等與太史令
及令史各一人並騎相風烏輿一與士四人交龍鉦鼓各一與士
各六人司辰典士各一人並騎漏刻生四人鼓樓鐘樓行漏
輿各一與士各一百人太史正一人清道二人十二神輿一與士

十四人

法駕行漏輿一

輿士減四十人

神輿一

輿士多大駕二人

宣和鼓

鐘樓並改為輿大史正前有捧日副指揮使二人捧日

節級十人神輿輿士增十次持釵前隊左右武衛果毅

都尉二人引隊左右武衛校尉二人絳引幡一執二人左

右有金節十二

執人並騎

罕罕各一朱雀幢及藻蓋青龍白

虎幢各一义三

執人並騎

隊長一人釵戟三百八十人左右

武衛將軍二人檢校左右武衛校尉四人押隊法駕金

節減四釵戟減七十二宣和引隊改驍騎都指揮使武

衛校尉改驍騎軍使增朱雀旗後之義一去龍虎旗後

之義三檢校改用左右驍騎將軍次黃麾幡一

執一人
紆二人

騎

法駕前有殿中侍御史二員次六軍儀仗左右神武

軍左右羽林軍左右龍武軍各有統軍二員都頭二人

羽林又有
節級二人

押仗本軍旗各一排闌旗各二十合有吏兵

力士旗各五掩尾天馬旗二

羽林有赤豹黃熊旗龍
武有龍君虎君旗各一

白

柯槍五十哥舒棒十鎧杖八法駕神武軍減排闌旗十

羽林龍武軍各減四吏兵力士旗減一宣和統軍改軍

將神武軍旗改熊虎排闌旗改平列哥舒棒改戟鎗杖
改矛戟羽林隊無節級黃熊旗改黃熊龍武旗改熊虎
次引駕旗天王旗二排仗通直官二人押旗十二辰旗
各一法駕同次龍墀旗天下太平旗一排仗大將二人
夾旗五方龍旗各一金鸞金鳳旗各一獅子旗二君王
萬歲旗一日月旗各一法駕減鸞鳳獅子旗次御馬二
十四控馬每匹天武二人御馬直二人為十二重法駕
減八為八重宣和御馬直改為習馭次中道隊大將軍

一員檢校法駕同宣和大將軍改為左右驍衛大將軍
次日月合璧旗一莒文旗二五星連珠旗一祥雲旗二
長壽幢二宣和莒文改慶雲祥雲改祥光次金吾細仗
青龍白虎旗各一五嶽神旗五方神旗五方龍旗五方
鳳旗各五以上執各一人
新各三人法駕五方龍鳳旗各減二宣和
改校尉為使臣五嶽神旗去神字次八寶鎮國神寶皇
帝之寶皇帝行寶皇帝信寶在左受命寶天子之寶天
子行寶天子信寶在右為四重香案八各以二列於寶

輿之前碧欄三十四人符寶郎行於碧欄之間法駕減
碧欄八人宣和增引寶職掌二人香案職掌六人援衛
傳唱親從一百人奉寶輦官每寶二十八人節級一人
奉寶一十二人擡香案行馬執燭籠各四人持席褥油
衣共三人香案寶輿各九燭籠三十六碧欄之數同前
次方纈二大雉尾扇四夾執纈扇各一人以下準此法駕同次金吾
四色官六人押仗二人法駕減押仗次金甲二人宣和
改為銅甲次太僕寺進馬四人並騎次引駕千牛衛上將

軍一員千牛八人中郎將二人

並乘珂馬

千牛二人

並騎

宣和

引駕改為千牛衛大將軍中郎將改為捧日都虞候次

長史二人

並騎

宣和無次金吾引駕官四人

並騎

次導駕官

執政以上人從六人待制諫議防禦使以上五人監察御史刺史諸衛將軍以上四人

次繖扇輿

輦大繖二中雉尾扇四夾腰輿一小雉尾扇四夾應奉

人員一人十將將虞候節級二人長行十六人排列官

二人中雉尾扇十二華蓋二

執各一人

香鑪一

執擎八人

小輿一

應奉人逍遙平輦下二十四人

逍遙子一

應奉人十將將虞候節級共九人

長行二十六人

平

輦一

應奉人員七人餘並同上

法駕排列官後中雉尾扇減四宣和

去小雉尾扇四腰輿一

添管押人員二人都將四人兼押小輿排列官一人

小輿

一

奉輿二十四人都將九人

逍遙子改為逍遙輦

奉輦一十六人

平輦一

奉輦

人同上後有尚輦奉御一人騎

小輿前又有大輅一

駕馬六太僕卿御駕士一百二十人

次駕前東第五班開導旗一阜纛十二引駕六十二人

鈞容直三百人

引駕四作樂

五方色龍旗五門旗四十御龍

四直步執門旗六十天武駕頭下一十二人茶酒班執

從物一十一人御龍直仗劔六人天武把行門八人麋

旗一殿前班擊鞭一十人簇輦龍旗八日月麟鳳旗四
赤青白黑龍旗各一御龍直四十人踏路馬二夾輦大
將軍二人進輅職掌二員部押二人教馬官二員法駕
同宣和無鈞容直開導旗內增押班一人殿侍二人皐
皐旗十二殿侍十人執引駕人員二人長行六十人五方色
吉字旗殿侍三人管押十人門旗殿侍二人管押四十
人又八門旗六十御龍直一十二人骨朶直十二人御
龍弓箭直弩直各十八人御龍直仗劍六人執麋旗殿

侍二人管押龍旗人員二人都知副都知各一人執骨

朶殿侍十六人內大將軍改為千牛衛大將軍

朝服步從將

軍二人

朝服陪乘

掌輦四人皇帝乘玉輅駕青馬六駕士一

百二十八人扶鑾八人骨朶直一百三十四人行門三

十五人分左右陪乘將軍二員法駕同宣和駕士增為

二百三十四人次奉宸隊御龍直左廂骨朶直右廂弓

箭直弩直御龍四直並以逐班直所管人數列為五重

天武骨朶大劍三百一十人次駕後東第五班大黃龍

旗一鈞容直三十一人扇簾下天武二十人茶酒班簇輦三十一人招箭班三十三人法駕同宣和止用黃龍旗餘並無次副玉輅一駕青馬六駕士四十人法駕無宣和駕士一百人內人員二人次大輦一掌輦四人應奉人員十二人十將將虞候節級共一十人長行三百五十五人尚輦奉御二人殿中少監供奉職官二員令史四人書令史四人法駕同宣和增奉輦為九十人次太僕御馬二十四為十二重法駕減八為八重宣和無

太僕次持釵後隊左右武衛旅師二人法駕同宣和改
為神勇都指揮使次重輪旗二大繖二大雉尾扇四小
雉尾扇朱團扇各十二華蓋二义二睥睨十二御刀六
真武幢一絳麾二义一細稍十二法駕小雉尾扇朱團
扇睥睨稍各減四華蓋減一御刀減二宣和真武幢改
為元武次左右金吾衛果毅都尉二人並騎總領大角一
百二十法駕減四十宣和改都尉為驍騎都指揮使次
大晟府後部鼓吹丞二人典事四人管押指揮使一人

羽葆鼓十二

帥兵官
四人領

歌工拱辰管簫笳各二十四

帥兵
官二

人鑣鼓十二

帥兵官
四人領

歌工簫笳各二十四橫吹一百二

十

帥兵官
八人領

笛簫威篋笳挑皮威篋各二十四法駕羽葆

鼓減四簫笳挑皮威篋各減八鑣鼓減四小橫吹減四

十

帥兵官並
減二人

宣和帥兵官改為天武神勇宣武虎翼四

都頭次黃麾一

執紼人數同前部法駕亦同有
殿中侍臣史一員在黃麾前

芳亭輦

一

奉輦六
十八人

鳳輦一

奉輦五
十八人

法駕去鳳輦宣和芳亭奉輦

六十二人次金象革木四輅各有副輅金輅踏路赤馬

二正副各駕赤馬六駕士六十人餘輅正副駕馬數同而色異象輅以赭白革輅以騶木輅以黑駕士各四十人法駕前副輅宣和駕馬之色又異金以騶象以赤革以赭白木以烏駕士正一百五十人副一百人管押人員各二人耕根車一駕青馬六駕士四十人法駕同宣和無進賢車一駕士二十四人明遠車一駕士四人法駕無宣和各增駕馬四次屬車十二乘每乘駕牛三駕士十人法駕減四乘宣和增衙官二人管押節級一人

次門下中書祕書殿中四省局官員各二員法駕同次
黃鉞車豹尾車各一各駕赤馬二駕士十五人法駕除
進賢明遠車外並同宣和有黃鉞天武副都頭及神勇
副都頭各一次掩後隊左右威衛折衝都尉二人領隊
大戟刀盾弓矢稍各五十法駕各減十六宣和押隊改
用宣武都指揮使二人次金武隊金吾衛折衝都尉一
人爆稍二仙童旗一真武旗一騰蛇神龜旗各一稍二
十五弓矢二十弩五法駕稍減六弓矢減五弩減一宣

和改為元武隊改真武旗為元武又去仙童龜蛇旗改都尉為虎翼都指揮使

政和大駕外仗清游隊第六引外仗白澤旗二左右金吾衛折衝都尉二人弩八弓矢三十二稍四十法駕次第三引外仗弩減二弓矢減八稍減十宣和改都尉為捧日都指揮使左右金吾各十六騎帥兵官二人弩八弓矢稍各十二法駕金吾騎及弓矢稍各減四宣和改金吾為天武都頭次伏飛隊左右金吾衛果毅都尉

二人分領

並騎

虞候欽飛四十八人

並騎

鐵甲欽飛二十四

人

並甲騎

法駕前減十八人後減八人宣和改金吾衛為

拱聖都指揮使改都尉為都指揮使次前隊及仗左右

領軍衛將軍二人檢校

並騎

掣稍四及叉分五隊第一

百六十人第二八十人第三一百人第四第五各八十

人逐隊有帥兵官左右領軍衛左右威衛左右武衛左

右驍衛左右衛各四人法駕及叉第一隊減六十第二

第三各減三十第四第五各減二十宣和改檢校為左

右衛將軍領軍衛為天武都頭威衛為神勇都頭武衛
為宣武都頭驍衛為虎翼都頭又第一隊減六十增第
二隊至第五隊為一百次後隊又仗又分五隊第一
第二八十人第三一百人第四八十人第五一百六十
人帥兵官左右衛左右驍衛左右武衛左右威衛左右
領軍衛凡前後隊又仗前接中道北斗旗後盡鹵簿後
隊法駕又又第一第二隊各減二十四第三第四各減
三十第五減六十宣和又又各一百天武神勇宣武虎

翼廣勇都頭次前部馬隊凡十二皆以都尉二人分領
第一前左右金吾衛折衝領角亢斗牛宿旗四弩十弓
矢二十稍四十第二氏房女虛宿旗四第三心危宿旗
第四尾室宿旗各二以上四隊各以左右領軍衛果毅
領第五箕壁宿旗第六奎井宿旗各二各以左右威衛
折衝領第七婁鬼宿旗第八胃柳宿旗第九昂星宿旗
各二各以左右武衛果毅領第十畢張宿旗第十一觜
翼宿旗第十二參軫宿旗各二各以左右驍衛折衝領

弩弓矢稍人數同第一隊法駕分二十八宿旗為十隊
逐隊弩減四弓矢減六稍減二十宣和捧日拱聖神勇
驍衛宣武五都指揮使分領上十隊以虎翼廣勇都指
揮使分領下二隊次步甲前隊凡十二左右領軍衛將
軍二人檢校並騎擐稍四逐隊皆有都尉二人分領第一
第三各以左右領軍衛第五以左右領軍衛第七以左
右武衛第九以左右驍衛第十一以左右衛並折衝第
二第四各以左右領軍衛第六以左右威衛第八以左

右武衛第十以左右驍衛第十二以左右衛並果毅內
有鷗貌玉馬三角獸黃鹿飛麟馱駢鸞麟馴象玉兔辟
邪等旗各二以序居都尉之後逐隊有弓矢刀盾相間
各六十人居旗之後法駕止十隊每隊弓矢各減二十
宣和檢校改用左右衛將軍又去爆稍分領並改為都
指揮使第一第二並捧日第三第四並天武第五第六
並拱聖第七第八並神勇第九驍騎第十宣武第十一
虎翼第十二廣勇次前部黃鉞麾仗絳引幡二十下分

六部第一左右威衛第二左右領軍衛第三左右威衛
第四左右武衛第五左右驍衛第六左右衛諸部各有
殿中侍御史兩員本衛大將軍二人檢校本衛折衝都
尉二人分領又各有帥兵官二十人龍頭竿六重重各
二十揭鼓三重重各二儀鎗五色幡小戟稍各一重重
各二十弓矢二重重各二十朱綠滕絡盾并刀二重重
各二十法駕止五部絳引幡帥兵官龍頭竿幡戟弓矢
盾刀稍並減六宣和六部驍衛武衛屯衛領軍衛監門

衛千牛衛皆左右上將軍天武神勇宣武虎翼廣勇皆都指揮都頭逐部上將都頭各一人次青龍白虎旗各一左右衛果毅都尉二人分押二旗及領後七十騎弩八矢二十二稍四十法駕減後騎三十弩減二弓矢減八稍減二十宣和改都尉為虎翼都指揮使次班劍儀刀隊並騎左右衛將軍二人分領郎將二十四人左右親衛勳衛各四人每衛班劍二百二十人諸翊衛左右衛六人領儀刀四百八人左右驍衛二人領儀刀一百三

十六人左右武衛左右威衛左右領軍衛左右金吾衛
法駕親勲衛班劍減八十四人翊衛儀刀減一百三十
二人增左右驍衛四人劍儀刀九十二人宣和分領改
左右武衛將軍及捧日天武指揮四人拱聖六人神勇
驍騎驍勝宣武虎翼指揮使各二人次親勲散手驍衛
翊衛隊並騎左右衛供奉中郎將四人分領親勲翊衛四
十八人左右衛郎將二人分領散手翊衛六十人左右
驍衛郎將二人分領驍衛翊衛五十六人法駕親勲減

十六人散手驍衛各減二十人宣和改為中衛翊衛親衛隊中衛郎四人分領衛兵四十八人翊衛郎二人分領衛兵六十人親衛郎二人分領衛兵五十六人次左右驍衛翊衛三隊並騎各有二人分領第一本衛大將軍第二本衛將軍第三本衛郎將花鳳飛黃吉利旗各二分為三隊逐隊弩十弓矢三十稍四十法駕弩減四弓矢稍各減半宣和分領第一第二隊左右驍衛大將軍第三廣勇指揮使改花鳳旗為雙蓮旗次夾轂隊凡六

逐隊都尉二人檢校第一第四左右折衝第二第三第五第六並左右衛果毅逐隊刀盾各六十人內第一第四有寶符旗二法駕各減刀盾二十宣和檢校改為捧日天武拱聖三指揮使次捧日隊逐隊引一人押二人長行殿侍二十八人旗頭三人槍手五人弓箭手二十人左右廂天武約攔各一百五十五人法駕同次後部黃麾仗分六部左右衛左右驍衛左右武衛左右威衛左右領軍衛左右武衛部內殿中侍御史大夫將軍都

尉帥兵官絳引幡龍頭竿等並同前部法駕減第六部絳引幡減六宣和六部改第一為左右驍衛大將軍自二至六改為天武神勇宣武虎翼廣勇五指揮次步甲後隊凡十二皆有都尉二人分領第一以左右衛第三以左右驍衛第五以左右武衛第七以左右威衛第九第十一各以左右領軍衛以上並果毅第二以左右衛第四以左右驍衛第六以左右武衛第八以左右威衛第十第十二各以左右領軍衛以上並折衝內有貌鵠

仙鹿金鸚鵡瑞麥孔雀野馬犛牛甘露網子祥光祥鶴
等旗各二序居都尉之後逐隊有弓矢刀盾相間各六
十人居旗之後法駕止十隊宣和自第七隊以下分領改用
都指揮使七八並神勇九驍騎十宣武十一虎翼十二
廣勇旗亦改其半七天正堯瑞八日月戴承十翔鶴十
一紅光十二文石次後部馬隊凡十二皆以都尉二人
分領第一第二各以左右衛第五第六第七各以左右
領軍衛並折衝第三第四各以左右驍衛第八第九各

以左右威衛並果毅內有角端赤熊兕天下太平馴犀
鷄鶡驢騾牙蒼烏白狼龍馬金牛等旗各以序居都尉
之後每隊弩十弓矢二十稍四十法駕止二十隊弩減
四弓矢減六稍減十二宣和改都尉為指揮使一二並
以捧日三四並以天武五六並以拱聖七八並以神勇
九以驍騎十以宣武十一以虎翼十二以廣勇內六有
芝禾秀旗七有萬年連理木旗 以上鹵簿凡門有六
中道之門二第一門居日月合璧等旗之後法駕居龍

揮旗之後第二門居掩後隊之後法駕同各有金吾牙
門旗四監門校尉六人左右道之門四第一居步甲前
隊第六隊之後第二居第十二隊之後第三居夾轂隊
之後第四居步甲後隊第六隊之後法駕同各有監門
校尉四人宣和改校尉為使臣

政和小駕減大駕六引及象木革輅五副輅小輿小輦
又減指南記里白鷺鸞旗崇德皮軒耕根進賢明遠黃
鉞豹尾屬車等十一車餘並減大駕之半

宣和初蔡攸等改修鹵簿圖凡人物器服盡從古制飾以丹采三十有三卷今列政和所上而附以宣和沿革之制

詳定官蔡攸等又言六引開封令乘輅車開封牧大司樂司徒御史大夫兵部尚書乘革車次之開封牧建繡皐旗太常卿繡鳳旗司徒建繡瑞馬旗御史大夫繡以獬廌兵部尚書繡以虎皆副之以關戟其先後之序所乘之車所建之旗揆古則不合駭今則有戾

且大駕之出自漢光武時始有三引先河南尹次執金吾次洛陽令先尊後卑也後魏亦三引先平城令次司隸校尉次丞相先卑後尊也唐無用六引五代減為三後周復增為六皇朝因之開封令居前終以兵部尚書然以前為尊則大司樂不當次令牧以後為尊則兵部尚書不當繼御史大夫此先後之序未正也輅車非縣令宜駕革車非公卿宜用是所乘之車未稱也鳳馬之繡無所經見闢戟之說尤為訛謬

是所建之旗未宜也司徒三公論道之官車徒非其所任戶部主之可也奉常掌禮司樂典樂皆專於一事禮樂之容非其所兼禮部總之宜也請改司徒用戶部尚書改大司樂用禮部尚書

其僚佐儀制視兵部尚書御史

大夫位亞三少秩從三品又尊於六尚書其行宜以兵部次令牧禮部戶部又次之終以御史大夫則先後之序正矣

程氏演繁露曰宣和鹵簿圖有誕馬其制用色帛

周褱一方羶蓋覆馬脊更不施鞍此其為制必有
古傳非意歟矣然名以為誕則其義莫究也蔡攸
輩雖加辯釋終不協當按通典宋江夏王義恭為
孝武所忌憂懼故奏革諸侯國制但馬不得過二
其字則書為但不書為誕也但者徒也徒馬者有
馬無鞍如人袒裼之袒也迹其義類則古謂徒歌
曰謠是其比也其所謂徒者但有歌聲而無鐘鼓
以將也然則謂之但馬蓋散馬備用而不施鞍轡

者也

通典三十一

又王瓊每見道俗乞丐無已道逢太

保廣平王懷遠自言馬瘦懷即以誕馬并乘具與之按此書但為誕誤也所與者但馬而無鞍勒故以乘具與之其理相貫也又按酉陽雜俎一卷北齊迎南使使主副各乘車但馬在車後鐵甲首餘人其所書曰但馬而不曰誕馬在車後而名但知無乘具以備闕也

按宋史所載鹵簿凡三至道政和紹興皆有之至

道則國初草創之規而又參以前代相承之制紹興偏安杭都未遑禮文蒐輯舊典多已失墜其可見者比承平時不能以半獨政和所定則自元豐以來置立詳定禮文所議禮局考訂精審其儀不舛而其文最詳故具載之

高宗中興後唯設大駕法駕及黃麾仗大駕鹵簿郊祀用之法駕明堂用之黃麾大仗三千三百五人大朝會用之視政和舊儀減三之一黃麾半仗二千四百五十人正旦朔

會上尊號冊寶親享用之

親享太廟兵部設黃麾仗自和寧門至太廟擡星門外鼓

吹二百三十六人

又黃麾半仗一千四百九十九人冊皇后皇

太子用之黃麾角仗一千五十六人冬至朝賀紫宸殿望參金國使賀正旦生辰受玉寶皇帝御正殿皇太子稱謝起居用之黃麾細仗五百人迎奉冊寶玉牒國史聖政會要日歷御集寶訓用之細仗一百人進呈聖德事迹經武要畧及獨進玉牒用之

凡郊祀鹵簿用六千四百九十六人騎立大旗十一并

執儀仗官兵三千三百五十六人馬一千九十八匹攝
殿中侍御史諸衛將軍等五十一人御輦院繖扇輿輦
二百三十八人控御馬天武等四十四人太常寺鼓吹
樂工五百八十八人左右金吾司碧欄等三十五人總
轄檢察儀仗兵部郎中各一人職掌十二人輅下駕士
等二百六十一人車輅院般法物十人諸班直等一千
八百四十六人

馬執龍旗五十四人步執龍旗三十三人
擊鞭六人駕後大黃龍旗三人捧日

甲馬隊三百人天武二百人
奉宸隊一千二百五十人

翰林司兵士二人

淳熙十
二年八

月樞密院言大輦於前九十日八寶於前六十日繖扇於前四十日閱習並差殿前同步軍司兵及輦官從之

明堂鹵簿用四千一百四十八人卓立大旗十一步執

儀仗官兵二千二百五十八人攝殿中侍御史諸衛將

軍及繖扇輿輦等並同郊祀之數

唯逍遙輦下減十人

諸班直六

百六人

馬執龍旗五十四人步執龍旗三十三人擊鞭十四人奉宸隊五百人駕後大黃龍旗五人

不設金象革木四輅及大安輦大駕鹵簿儀仗及六引

用鼓吹八百八十四人

內鼓吹令丞二人府史典史各四人指揮使二人帥兵官四十

六人歌色四十八人金鈺十七人柶鼓十七人大鼓一百一十人小鼓六十人中鳴六十人鑼鼓十七人拱辰

官三十六人羽葆鼓十二人威儀二十九人小橫吹六十人簫八十七人笛二十九人節鼓一人此紹興十三年之法駕三分減一鼓吹用五百八十八人

內令丞四人府典史

指揮使帥兵官歌簫威儀箏笛拱辰官大小橫吹節鼓四百三十八人金鉦柁鼓羽葆鼓大小鼓中長鳴一百四十六人此乃紹興十三年之制也

嚴更警場舊制嚴鼓一百二十四金鉦二十四鳴角一百二十紹興十三年以地狹移於櫺星門外止用鼓角各六十金鉦二十

六引服飾爆稍左右金吾將軍金銅甲冑披膊解結錐

左右金吾街仗司花脚幞頭碧羅襖紫綠羅袍金銅帶
儀刀烏皮履執儀仗者幞頭武弁平巾幘錦帽鸞衫抹
額纈騰蛇銅革帶紫緋羅繡袍紫紬寬衫緋紬袍青羅
黃紬銀褐緋皂紬寶相花衫駕前殿前指揮使細甲方
勝練鵲纈衫綠羅甲弓箭銀劍蒜瓣朵紅紫羅帽帶殿
前左右班粉青緋紫三色大搭纈羅衫長入祗候五十
二人合色頭鬚鍍金帽環青紅二色茶酒班殿侍紫羅
印皂斜搭衫茶酒班十人內紅拂扇二人御龍直執從

物八十三人珠巾方勝鵲衫行門二十四人金銀甲方
勝鵲衫金束帶珠珣銀骨朶內押行門纏枝袍行門花
袍御龍直二百五十人員黃獅子纈衫長行方勝鵲衫
內殿直已下二百五十人員亦如之長行白獅子纈衫
殿前指揮使編排禁衛紫羅皂花衫駕頭扇篋下各天
武三十一人白獅子衫東西班樂三十六人紫帽帶招
箭班三十六人幘頭束帶親從圍子行宮殿門中道左
右壁帽鍍金束帶其衫皆以白獅子纈餘並方勝練鵲

遥郡刺史衫以羅雲鴈都指揮使以御仙花都虞候以簇四金鵬御前忠佐以宜男方勝正副使以黃獅子正副都頭以方勝練鵲控馬親從以青蓮執燭籠親從二百人以寶照餘從駕並以白獅子執燭二十二人衫亦如之鍍金帶軍頭引見司人員四人帽子方勝練鵲衫等子八十三人帽子團花寶照緋纈羅衫鍍金帶左右騏驎院御馬六

特勒雕拳毛騮佛耳赤騮黃青騮滴露紫

控馬執七寶百節

鞭杓子御馬五十人纈衫皂紗帽金鍍銀獅帶禁衛班

直等緋綠羅紅盤雕背子

紹興三年正月造緋二千領
綠一千領以絹代羅十三年

又以緝代繡乾道四年五月文思院製從駕人衣服慶
元二年皇后受冊寶非設逍遙平輦人員各一人輦官
二十七人人員帽子宜男緝羅衫鍍金銀柘
枝帶輦官幞頭白獅子緝羅衫鍍金海捷帶

紹興十二年皇太后回鑾上將躬迎於郊命有司製常

行儀仗

先是石延慶請詔禮官參考康定中常
行儀衛酌取中制以正萬乘尊嚴之分

工部尚

書莫將等請先造黃麾仗二千二百六十五人

十三年二月詔郊祀設大駕鹵簿仗內六引令禮部兵
部太常等討論名數兵部侍郎程瑀等言國初大駕仗

儀總一萬二千二百二十二人今已有黃麾半仗二千四百八十二人玉輅腰輿小輿大輦平輦逍遙輦下一千九人共三千四百九十二人法物儀仗外猶闕金象革木四輅芳亭鳳輦屬車寶輿等一千二百七十三人天武捧日奉宸隊等六千四百五十七人共七千七百三十人法物儀仗請下有司製造乃命兵部郎官錢時敏等參訂規式凡舊用文繡者以纈代之前後部及六引鼓吹八百八十四人舊制並騎導以道途狹隘止令

步從其六引前大象止用一頭

舊制郊祀詣景靈宮亦乘玉輅時以衢巷狹隘

慮毀民居詔權宜乘輦若宗祀明堂享廟禮畢則乘玉輅至文德殿

三十一年四月臣僚言天子之出清道而後行千乘萬騎稱警言蹕旄頭前驅豹尾後殿其往來馳道與闌出入者皆有厲禁自六飛南渡務為簡便唯四孟享獻乘輿躬行前為駕頭後止曲蓋而爪牙拱扈之士或步或趨錯出離立無復行列至有酌獻未畢已捨而歸士民觀者駢肩接袂雜還虎士之中而不聞有誰何之者望

詔有司講求其當凡車駕行幸從駕禁旅以若干人為
一列相去各若干步其乘馬前導者皆預上其數命有
司繪為圖先一日以聞別具副本報御史臺有不如令
及不在圖中而輒冒至者許有司舉之蔽而不言令御
史臺覺察詔可

孝宗隆興二年將行郊祀詔遵藝祖典故省約儀衛除
玉輅逍遙平輦外八寶下人數及車輦儀仗皆令減損
視紹興二十八年之數權減其半用六千八百八十九

人鼓吹警場舊用一千一百五十九人亦三分減一
乾道四年中書門下奏車駕詣德壽宮用殿前司六百
二十九人皇城在內巡檢司三百九十一人崇政殿四
百四十九人凡一千四百六十九人四孟詣景靈宮用
殿前司八百七十五人皇城在內巡檢司五百二十八
人崇政殿五百二十一人凡一千九百二十四人以左
藏南庫絹二千疋下文思院製其衣服

六年郊祀詔復設五輅及大安輦

文獻通考卷第一百十八